

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
KANTONALNO TUŽILAŠTVO-TUŽITELJSTVO  
ZENIČKO-DOBOJSKOG KANTONA**

Broj: T04 0 KT 0053656 23  
Zenica, 17.07.2023. godine

**OPĆINSKOM SUDU U VISOKOM**  
*- Sudiji za prethodno saslušanje –*  
**VISOKO**

Na osnovu člana 45. stav 2. tačka i) i člana 241. stav 1. ZKP-a F BiH, p o d i ž e m

**OPTUŽNICU**

Protiv:

**Kadragić Alise, 1989. godišta**, rođena u Kaknju, osuđivana Presudom Općinskog suda u Visokom od 12.10.2021. godine za krivično djelo iz člana 183. stav 1. KZ F BiH, uvjetnom kaznom na kaznu zatvora 1 mjesec na 1 godinu,

**Što je:**

Dana 20.06.2023. godine oko 16,30 sati na području grada Visoko, u mjestu Grajani na lokalnom putu prišla N. N., svjesna da naročito drskim i bezobzirnim ponašanjem i nasiljem prema drugom ugrožava građanski mir, a što je i htjela, psujući joj boga i majku, te joj govoreći da je kurva i da ne smije tuda prolaziti, nakon čega je N. uhvatila za ramena i bacila na zemlju pa dok je ova ležala na zemlji nogom je udarila u glavu u predjelu tjemena, a kada se pridigla istu je objema rukama udarila po licu nanijevši joj laku tjelesnu ozljedu u vidu nagnječenja i površinske oguljotine kože u predjelu gornje usne, da bi potom kada se N. pokušala udaljiti i pobjeći sa tog mjesta, za njom bacila veliki kamen koji ju je udario u leđa,

čime je počinila krivično djelo nasilničko ponašanje iz člana 362. stav 2. u vezi sa stavom 1. KZ F BiH.